

ka puta nga poi karakia a Te Whiti raua ko Tohu ki te marae, na Te Kapinga nga kupu whakamarama, te mau roa o Taranaki ki aua taonga he whakamahara tonu ki aua kaumatua me nga ra i heke ai te toto ki Waitara me nga tukinotanga i roto i nga ra ka hori ki muri a Te Kawanatanga. Mai i reira e iri nei ano te Raukura tae mai ki enei ra. Nga kupu whakaari a Te Whiti ka hui te motu katoa ki Waitara ki te whakarite whakawa mo Waitara te take mo nga mate e iri nei i runga i Taranaki a he tekau-ma-warua taua ra. Mehemea koia tenei ko taua ra kei te pai! Haere mai e Te Tairawhiti! Haere mai e te motu!

No muri i nga poi ka tu a Ta Maui ki te mihi ki Te Minita Maori me tona ope katoa me te ahuatanga o nga aitua i pa ki runga ki te Minita me te pouri i horapa ki runga i te motu katoa mo te mate o Ta Timi Kara o Taranaki Te Uamairangi o Reiri Arihia Ngata me tona tamaiti Te Makarini.

I whakamarama a Ta Maui kua oti te kupu a Taranaki ka tango ia i te Rima Mano i tenei wa, engari me nuku atu. Kua rite te whakaaro he komiti koia tenei:—

Ngati Tama	Ta Maui
Ngati Mutunga	Ta Maui
Ngati Maru	Ta Maui
Te Atiawa	Ta Maui
Taranaki	Raungaiti
Ngarauro	Whakarua
Ngarauro	Tupito
Ngati Ruanui	Rangihuna

Ka tu atu a Ta A. T. Ngata ki te mihi atu ki te mama o te kohiritanga i te komiti. I konei ia ka tono ki te iwi ina karangatia te komiti kia haere atu ki Poneke, kia maru tonu a muri i a Taranaki ki te whakarongo. ki te whakatakoto ranei i nga mea e hihiatia ana e te iwi e pa ana ki te ripoata a nga Komihana. I whakaatu hoki ia heoi tana he haere mai kia rongo i te kupu a Taranaki. Kaati ma ana e mau ki te aroaro o Te Kawanatanga aua putake Ina oti taua putake he mea tika tonu kia karangatia e Taranaki te motu katoa me kore e taea te whakatutuki i tenei nana:—Tatau! Tatau!

I muri o tenei ka tono ia ki te hunga taitamariki kia huihui mai i te ahiahi kia korororero mo nga mahi ahuhenua me nga awhina moni mo aua tu mahi, me nga whakaaro kei a ratou e mahara ana.

I whakamarama hoki ia tenei kua tae mai te ripoata kia ia kamui te kaha o te haere whakamua o nga mahi miraka kau o Taranaki a e mihi ana ia ki tenei ahua o te hunga taitamariki me te hunga ahuhenua i roto o Taranaki.

No te po ko nga kupu whakakaha a Te Minita i nga taitama ki te Ahuhenua, he tono hoki i te iwi kia maumahara